

略云：

『二月八日啟行，宿翠峴口北，過撫州明昌，入大沙陀。出陀至魚兒灤。起向東北凡二十二日至陸局河，並河南岸西行，凡十六日。河繞西北流，改行西南驛路。凡十四日程，達平野。山水秀麗，水草豐美，東西有故城基，或云契丹所建。六月十二日至長松嶺，十七日宿嶺西，朝暮有冰，霜已三降。二十八日泊窩里朶。東渡河；河水東北流，入營駐車。窩里朶，漢語行宮也。七月九日同宣使西南行，五月六日屢見山上有雪。又二、三日，歷一山，南出峽，一水西流。又五、六日踰嶺而南。迤邐南山，望之有雪，次至阿不罕山北。八月八日傍大山西行，復東南過大山，經大峽，中秋抵金山東北。復南行，其山高大，三太子出軍，始闢其路。乃命百騎挽繩，懸轆而上，縛輪而下，連度五嶺，南出山前，臨河止泊。渡河而下。經白骨甸，涉大沙陀至回紇城，酋長設蒲桃酒及果餅。乃曰：此陰山前三百里，即和州也。西即驚思馬大城，王官士庶咸具威儀迎曰，此大唐北庭端府。九月二日西行，宿輪台縣東。重九日至回紇昌八刺城，並陰山而西，約十五日，宿陰山北，轉南行，山中遇一大池，名曰天池。沿池南下，入峽，過四十八橋，九月廿日至阿力馬城。……』

（以上節引西遊記。）

按關於西遊記地名考證，以王國維氏西遊錄注爲最精詳，不復具舉。約其行程，似由克魯倫河經土拉河過杭愛山南麓，西南過阿爾泰山而達天山之北麓驚司馬大城，即今孚遠北護堡子之舊城，即唐北庭都護府所在地也。又傍天山北麓西行，過伊犁即阿力馬城，而達撒馬爾罕。此路雖爲長春所過，但成吉思汗西征、拔都西征、旭烈兀西征、均由此路，是元初與西域交通又取大北道矣。

時遼、金、西夏，迭據中國西北境。宋人南渡，僻處江左，與西域交通隔絕數百年矣。至元世祖忽必烈平定南宋，混夷歐亞，置驛於途，而中國與西域交通，至是復開。據馬哥波羅行紀，略可知其梗概。其所經路程：『由波斯至可失合爾、鴨兒看州、忽炭州、培因州、車爾成州、羅不城、唐古忒州、哈密州、欣斤塔刺思州、肅